

1 Joun

Olo Iyoswo Sⁱmo'mjo loso Joun M^ti'mokumentisofoho. Olo Hungkuno sⁱmo'mjofoho.

Jisas ahwomomne'no nto sⁱmentiso sohonta soswo *fouti'nji* (40) *sikⁱsⁱti'nji* (60) nto uyakolo'mentiso ajwo sopolⁱkeno olo iyoswo sⁱmo'mjo loso Jisasⁱye inomokomoyo Joun m^ti'mokumentisofoho. Joun sohwo iyoswo sⁱmo'mjoso nto m^ti'mokumentisohwo olo nom'ne loso m^ti'mokumentisofoho. Hungkuno hwapⁱngoso afafoho. Oso'no hofⁱko huno olenoho. Olo iyoswo loso Joun m^ti'mokumentisofoho. Hofⁱko huno ole, olo iyoswo loso Joun kako a'amu hwaho engo Esiya ango'mmeemjo Jisasⁱmo inⁱngkunyo somne'no m^ti'mokuyahotⁱmentisofoho. Joun oso a'amu hwasyo hunguno'njo a'amu Nosⁱtikⁱso hofⁱko a'amu Jisasⁱmo inⁱngkunyo fe sⁱmeho hi'ntnnonohino somo wonyo umokontanⁱngkofi yokumpohn'nyo umokumonto m^ti'mokumentisofoho. Olo iyoswo homo lomjo hungkuno hwapⁱngoso olenoho. Sⁱmeho uyoso'no huno syafⁱhunoho. (Hungkuno hiso 1 Joun sohe engo 2, honⁱngkano we'e 5. Osopo weho.) Olo iyoswo hiloso Joun ango ntⁱpo humanto m^ti'mokumentisotⁱkeno. Oso'no nakwo huno monayofoho. Oso'no nakwo olo iyoswo homo lomo atofⁱ lⁱhwasi tⁱfi unⁱngkohwano.

Jisas songo ne'no humayo'ne hungkunoso hwap'ingo hweho.

¹ Jisas Kilaisimne'no ngko ifalifaliyo wamti'mokumone'no yohono. Kako songo humayo'ne hungkuno hwap'ingo hweho. Nakwoe hwaho mamti'mokiyo sohonta Jisas kako ne'no humamojo hweho. Nakwo kakoe hungkunomo nupo'nontani kakoe simo'mangomo timo nuhwonontani kakoe a'apahomo aho upm'mokumentihwonefoho. Oso'no nakwo kakine'no hungkuno selalokuhwono. ² Olo songo humayo hwap'ingo lohwo kako utihwa'nyopo i'mofopahon'ingki nakwo uhwonimentihwonefoho. Uhwonimentihwone so'no kakine'no hungkuno songo ne'no humayo'ne selalokuhwono. Kako Anituye hungkuno huhwo lohwo kako a'amu imo'nonto utihwa'nyopo i'mofopahon'ingki uhwonimentihwonefoho. ³ Yo'mayo hopi'nono upa'nimentihwone so'nji uhwonimentihwone so'ntnne'no selalokuhwono. Oso'no sekwo'nji nakwo'nji simeho afa ufohi'nyo'ne uyantane'yihwono. Nakwo'nji Mpohwo Anitu'nji kakoe Hwomu Jisas Kilais sohwo'nji simeho afa ufohi'n'ngkuhwone hopaso sekwo'nji simeho afa ufohi'nano. ⁴ Olo hungkuno semti'mokiyalokwe loso tifi in'ngkafijo'manji nakwoe simeho'nji sekwoe simeho'nji wop'ingo'nohini umo'n'ntontonoho.

Nakwo hon'ngkano wop'ingomnohini wemoy'hwano.

⁵ Olo hungkuno Anituye hwomu nalimentisoso selalokuhwono. Hungkuno ole, Anitu kako wopingo'nohinoso hwapingo hweho. Kako wonyo honingkano nihu'no ane hweho.
⁶ Oso'no nakwo Mpohwo'nji simeho afa ufohi'nano kolihwasi nakwo honingkano wonyomo oseno mohumentan'ngkuhwasimanji nakwoe hungkuno hiso hwasyofoho. Nakwo mango'nohino'nwoho.

⁷ Nakwo Mpohwoe hungkunomo in'ngkawasoso Jisas kako in'ngkawowo'n'ngkiso pa'nyoso nakwo a'amu hwahoponjo so'nyuye simeho afa'njo wohumantanoho. Ose ihwasimanji Jisas Anituye Hwomu sohwoe honiyo nakwoe wonyo wae enaofihwoso'no nakwoe simeho kiho'maso'nji wohumantanoho.

⁸ Nakwo wonyo ane'nwoho hnnaso'manji nakwoe simehomne'no hwasyo hnnalokuhwono. Hungkuno neso nakwoe simehomo monauyoho.
⁹ Nakwoe wonyo yoloho lijwaofaso'manji Anitu wopingo'nohini iwo'n'ngkiso sohwo kako monesikwajonehoho. O'o, kako nakwoe wonyo wae enaofihwoso'no nakwo simeho kiho'maso'nji wohumantanoho.
¹⁰ Nakwo ole hnnaso, Ngko wonyo ane hwo'nyoho. Ose hnnaso'manji nakwo Mpohwo Anitu sohumne'no hwasyo hweho lalokuhwono. Kakoe hungkuno nakwoe simehomo monauyoho. Hwapingoso Anitu nalohoho, A'amu hopi'nono wonyo hi'njo kuyoho.

2

Jisas Kilais nakwoe Nefo'mayo hweho.

¹ Nje mehomi soku, olo hungkuno mtì'mokalokweso sekwo honìngkano wonyo miyo'nefoho. I oso hiso'no a'amu fihwo wonyo yososo nakwo'ne nefo'mayo'ne oso hi'njì'nwoho. Huhwo sohwo Mpohwo Anìtu'nji humaho. Nakwoe wonyomne'no kako Mpohumo jomo ulìmontonoho. Oso hwe wopìngo sohwo Jisas Kilaisìyoho. Yo'mayo iwo'nìngkiso so'no Mpohwo sìmeho wopìngo umo'nìwo'nìngkisofoho. ² Oso hwe huhwo sohwo nakwoe wonyomne'no tohino mìkùnìmposo ma'mentisofoho. Kakoe honìyo nakwoe wonyo wae yafo'ne imo'mentisofoho. Olo hiloso nakwoe wonyomne'nohinì'maho. O'o, a'amu hopi'nonohino olo hwaho lopo humolawotofoto sofe wonyomne'no imo'mentisofoho.

³ Nakwo huno ole nayohoho, Nakwo Anìtuye hungkuno hofiyo inìngkayo'manji Mpohwo'nji nakwo'nji sìmeho afa nto inìngkuhwono. Nakwo kakoe a'amu ne nto imo'nìngkìhwono.

⁴ A'amu ole lososo, Ngko Anìtuye a'amu ne hwo'nyoho. Ose lososo Anìtuye hungkunomo ito'no minìngkayo'njo sohwo hwasyo'nohino hweho. Hungkuno neso kakoe sìmeho mo'mo mawo'nnyo hweho. ⁵ A'amu Anìtuye hungkunomo ito'no inìngkaweso sohwo kako Anìtumo sìmeho uyoso engo umo'nìmontonoho. Oso hiso kìko isoso kìko huno wakiyono. Kìko Anìtumo humahnno. ⁶ A'amu fihwo ole lososo,

Ngko Anituye a'amu ne hwo'nyoho. Ose lihwosi kakoe honingkano Jisasiye honingkano pa'nyo umo'nono.

Hwe fihwo nom'ne a'amumo simeho ne uyalokunjo sohwo kako pomponahopo humaho.

⁷ Nje a'amu soku, olo hungkuno sekwo iningkayo'ne mti'mokalokweso songo'maho. O'o, yofohofoho. Hohonta simo'mo ne'mo nto upa'nimotofofoho. ⁸ I oso hungkuno hohontajoso huno naimentisoso olohonta Jisasi'mo uhwoningkahoningkuhwoni honingkano hungkuno hohontajoso songo pa'nyo imo'nalofoho. Oso'no sikwo'mjohoso moi'wo imo'nalofoho. Pomponaho wopingoso weho.

⁹ Hwe fihwo ole lososo, Ngko pomponahopo humaleno. Ose lososo kako a'amu nom'ne sohomo simeho wonyo uyososo sikwo'mjoho'mo humaho. ¹⁰ A'amu fihwo a'amu nom'ne sohomo simeho uyososo kako pomponahopo humaho. Oso hopo sopo nohumahwosi kako a'amu nom'ne somo honingkano wonyomo mipemotawenehoho. O'o, hofiko kakine'no mop+wasiyofoho. ¹¹ A'amu nom'ne sohune'no simeho wonyo uyososo kako sikwo'mjoho'mo wohumamontonoho. Kako sikwo'mjoho'mo emoyonto honingkano'no pijipijo iwo'ningkisofoho. Kakoe wonyomne'no t'mpi'nyo imo'nonto honingkano ito'no muhwonyofoho.

¹² Nje mehomi soku, Anitu kako Jisasi'mne'no sekwoe wonyo wae yao'mentiso so'no ifalifaliyo semti'mokiyalokweno. ¹³ Sekwo

hwe engo sohwasi olo hwe lohwo simo'mo ne so'mo humamojo sohwo olohonta oseno humaso sohumo sekwo huno moi'wonoho. Oso'no semti'mokiyalokweno. Sekwo hwe songo sohwasi sekwoe yokumpohn'nyo hwe wonyo Seten sohumo uyakolo'malofa so'no semti'mokiyalokweno.

¹⁴ Sekwo mehomu soku, sekwo Mpohumu huno ito'no seimentiso so'no semti'mokimentohefoho. Sekwo hwe engo sohwasi olo hwe lohwo simo'mo ne so'mo humamojo sohwo olohonta humaso sohumo sekwo huno seimentiso so'no semti'mokimentohefoho.

Nakwo hwahoponjo yahino somne'no namo'n'ngkuhwoloho.

¹⁵ Sekwo yo'mayo hwahoponjo somne'no simeho uyikutoho. A'amu fihwo hwahoponjo yahinomo in'ngkaweso sohwo kako Anituye hungkuno ne'njo somo min'ngkayofoho. ¹⁶ O'o hofiko yo'mayo wonyo so'no simeho fefoyo, yo'mayo hwaponjo somo timo uhwononto hi umo'n'ngkahon'ngki yokumpohn'nyo mokosyohumayoso nakwo huno ole nayohoho. Oso hiso Anitu mta'ango'maho. O'o, hwahoponjo hon'ngkanofoho. ¹⁷ Yo'mayo hwahoponjo so'nji hon'ngkano wonyo so'nji moi'wo imo'nonefoho. I a'amu Anituye hungkunomo in'ngkayo sohwo songo ne'no nohumantihwonefoho.

Jisasimne'no hungkuno hwasyo ulimotofo sohwa nto i'mofapohofa.

¹⁸ Nje mehomu soku, sikuno moi'wo imo'nyoso mofoneponoho. Hohonta sekwo nto

upa'n+imentohofofoho. Jisas Kilaisiye mango sohwo wapmmontonoho. Olohonta kakoe mango sohwa nto i'mofapmmalofo. Oso'no nakwo huno ole. Sikuno moi'wo umo'n+monte'no yohoho. ¹⁹ A'amu fehohnjo nto neliko'ma'malofofoho. Osohwa nakwoe a'amu'njo'maho. Hofiko nakwoe a'amu'ntentesi hofiko nakwo'nji ne'no nohumafikutnnesohilo. I oso'no nto neliko'ma'malofofoho. Oso'no nakwo huno ole moi'wonoho, nakwoe a'amu ne'maho.

²⁰ I oso'no sekwo Anituye Towahuno Wopingo moi'wo nto ma'malofofoho. Oso'no sekwo honingkano neso huno moi'wo nto seimaho.

²¹ Sekwo honingkano ne so'no huno maseyoho isoso'no mamti'mokalokuyohono. O'o, sekwo honingkano ne so'nji honingkano hwasyo so'nji yofe uhwofi'wo'ningkohofofoho. Hwasyo hungkunoso hungkuno nehopi mta'ango mmo'nonefoho huno seyohoho. Oso'no semti'mokiyalokweno.

²² Hwe hwasyo hungkuno'njo sohwo tihwolo. Hwe ole li'wo'ningkiso hweho. Jisas sohumo Anitu nakumne'no uhwosopo'mentiso'maho. Ose li'wo'ningkiso sohwo kako Jisas Kilaisiye mango hweho. Kako Mpohwo Anitu'nji kakoe Hwomu Jisasi'njimo ngkilaho uli'wo'n+mojo hweho. ²³ A'amu fihwo Anituye Hwomu sohumo ngkilaho li'wo'ningkiso sohwo Mpohwo huhune'no ngkilaho li'wo'ningkiso hweho. A'amu fihwo Hwomu sohumo simeho hi'ntnnono uy'wo'ningkiso sohwo Mpohwo huhune'no simeho hi'ntnnono uy'wo'ningkiso hweho.

Anıtuye Towahuno hungkuno ne'njo lonetihwawo'nningkiso hweho.

²⁴ Oso hungkuno hohonta upa'nimotofoso aho yokumpohn'nyo fikemokosyohumamno. Oso hungkuno hiso simeho'mo wosewo'mto'manji Mpohwo Anıtu'nji hwomu sohwo'nji sekumo aho yokumpohn'nyo wosemokosyohumanjiyoho.

²⁵ Olo hilo so'no nalımentisofoho. Nakwo kako'nji songo ne'nohini nohumentihwanefoho.

²⁶ A'amuso sekumo honıngkano hwasyomo ipemotasewofitnnohontnne'no semtı'mokiyalokweno. Oso'no sekwo huno waseyono.

²⁷ Sekwo Anıtuye Towahuno nto mahonıngkofi kako sekwo'nji humaho. Oso'no Anıtuye Towahuno Wopıngo sohwo kako sekwo'nji ne'no humahwosi yo'mayo hopi'nonohino so'no wolosetihwahwono. Kako hungkuno nehopi'nohini losetihwayo hweho. Hwasyo hungkuno ane hweho. Anıtuye Towahuno Wopıngo losetihwaso hopaso sekwo Jisas Kılaisımo aho yokumpohn'nyo fikemokosyohumamno.

²⁸ Ou, nje mehomi soku, sekwo Jisasımo fosyohumamno. Oseso kako poso sohonta nakwo yokumpohn'nyo lohofihwasi wonımango monanyo'njo kako'nji woswo'nantanoho. ²⁹ Sekwo huno moi'wonoho. Jisas Kılais sohwo hwe wopıngo hweho. Olo hilo so'no sekwo huno ole waseyono. A'amu honıngkano wopıngo'nohini iwo'nıngkiso sohwo Anıtuye mehomi ne hweho.

Olohonta nakwo Anituye mehomi'nwi humalohwono.

¹ U Mpohwo Anitu kako nakumne'no hitoho mikunimposo nejapmmmentisofoho. Kako nakumo nalwo'n'ingki, Nje mehomi kuyoho. Ose nalwo'n'ingkiso hweho. Oso'no pisopisaho likuji huno fusyafihupmno. Ou, nehopeho. Nakwo Anituye mehomi ne'nwoho. A'amu hwahoponjoso Anitune'no huno muyoso'no nakwo'ntnne'no hofiko huno muyofoho. ² Ou nje a'amu soku, nakwo Anituye mehomi nto imo'n'ingkuhwono. Nakwo hwangku pipi imo'nanehwono. Oso hiso huno monayo'njofoho. I oso'no nakwo huno ole nayohoho. Jisas kako asomo poso sohonta nakwo kako pa'nyo imo'nanefoho. Hwap'ngoso nakwo Jisas ne sohomo uhwonanefoho. ³ A'amu fihwo olo hilo so'no hontohumaso sohwo kako hon'ngkano wonyo apa'no miyo'njo hweho. O'o, kako simeho kiho ane'njo Jisas pa'nyo wohumamtonoho.

⁴ A'amu yahino wonyo'njo sohwo kako Anituye hungkunomo hwotoho fewo'n'ingkiso hweho. Yo'mayo yahino wonyoso Anituye hungkunomo mtihupewo'n'ingkisofoho. ⁵ Sekwo huno ole seyohoho, Nakwoe wonyo wae so'no Jisas kako a'amu imo'n'imentisofoho. Kako wonyo ane hweho. Kako Anituye hon'ngkano hungkunomo mamt'ihuposo'njo hweho. ⁶ A'amu Jisasimo humaso sohwo wonyo miyo'njo hweho. A'amu fihwo hon'ngkano wonyo iwo'n'ingkiso sohune'no nakwo huno ole wonayono, Oso hwe huhwo sohwo Jisasimne'no huno muyo hweho.

⁷ Nje mehomi soku a'amu hwasyo hungkuno sejo'njo somne'no i'waho fiyimno. A'amu hon'ngkano wop'ingo'njo Jisas Kilais pa'nyo sohwo hwe wop'ingo'nohino hweho. ⁸ Hwe wonyo Seten sohwo hohonta nakwoe hwaho mmo'nyo sohonta kako wonyo'nohini imojo hweho. A'amu olopo humaso sohwo wonyo ne'no yalokuso sohwo Seten'ye mehomi hweho. Anituye hwomu sohwo yo'mayo Seten iwo'n'ngkiso so'no wae yaofone pmentisofoho. ⁹ A'amu Anituye mehomi imo'nyo sohwo kako hon'ngkano wonyomo min'ngkayo'njo hweho. Hwap'ingoso Anituye Towahuno kakimo humaho. Oso'no kako wonyo miyo'njo hweho. O'o, Anituye hwomu hweho. ¹⁰ Anituye a'amu neso tihwolo. Seten'ye a'amu neso tihwolo. Oso'no huno nay'hwoso'no'manji oloso'no huno wosyof'isyano. A'amu hon'ngkano wonyo'njo a'amu nom'ne somo simeho muyo'njo osohwo Anituye a'amu'maho. O'o, Seten'ye a'amufoho.

A'amu nom'ne'nji simeho inyo yahinoso olenoho.

¹¹ Simo'mo ne'mo sekwo hungkuno ole upa'n'imentohofi, Sekwo a'amu nom'ne somne'no simeho uyimno. ¹² Nakwo a'amu Kein osohwo pa'nyo miyanehwono. Oso hwe huhwo sohwo Seten'ye a'amu hweho. Kon'ngkwa'wehumo fonjahumentisofoho. Peho'no fonjahumentisoto. Hwap'ingoso ole. Kein kako hon'ngkano wonyomo in'ngkamojo

hweho. Apel kako honingkano wopingomo iningkamojo hweho.

¹³ Oso'no a'amu olo hwaho loponjoso sekumne'no nakwolaho selifijo'manji sekwo yomo iyo'eno. ¹⁴ Nakwo a'amu nom'ne

Jisasimo simeho uy+wo'nimotofoto somo simeho uy+wo'ningkuhwone'manji nakwo huno ole, Mpohwoe tojo somo humalohwono huno nto nayohoho. Hwapingo ole, Nakwo Seten+ye hantojo tikano honingkano somo uliko'mentani Anituye hantojo songo ne'no humayo'ne somo humalohwono. Olo hilo so'no huno pipi nayohoho. A'amu fihwo kako a'amu nom'ne somo simeho muyo'njo yoso sohwo kakoe songo ne'no humayoso tohino mikunimposo ne'no umnonefoho.

¹⁵ A'amu koningkwa'wehumne'no simeho tohino umnososo sohwo wofonjahumonne'no yohono loso sohwo pa'nyo hweho. Sekwo huno moi'wonoho. A'amu nom'ne sohomo wofonjahumonne'no yohono loso sohwo Anitu'njopo songo ne'no mohumanefoho. ¹⁶ Jisas olo hwaho lopo nakumne'no imentiso so'no nakwo huno nayohoho. Jisas nakumne'no poyo pe'nimentisofoho. Oso'no nakwo nakwoe a'amumo ufo'mayo'ne'no nakwoe songo humayoso hofikimo uyano. Nakwoe a'amu somo ufo'mehwaso hn'nwi poyo pe'nasoso wopingofoho. Jisas hne'efoho.

¹⁷ A'amu olo hwaho loponjo hamniyoho hi'njo sohwo koningkwa'wehwo umofonyo yalofonjo sohomo hitoho mulofe'njo'manji kako ole lososo peho'neto, Ngko Anitumo

simeho uy+wo'n+ngkohe hwo'nyoho. Ose peho'no lalofoho. Mango'nohino hweho. ¹⁸ Nje mehomi soku, nakwo nom'ne a'amu somno namo'nyoso mango'nohini ul+hwaloho. O'o, nakwo hof+kine'no hitoho nalof+hwoso'no hof+kimo wop+ngo ulohofano.

A'amu Jisasimo tifi in+ngkawowo'n+ngkohofoso Anitumne'no iyoho munonehoho.

¹⁹ Simeho uyo yahino ne'nji uti+hwehwasi nakwo Anituye hon+ngkanomo nehopi humalohwoneso huno wonayono. Oso'no nakwo Anitu'njopo lohof+hwasi nakwo won+mango monanonefoho. ²⁰ I oso'no jije simeho mo'mo wonyo hwo'nyoho hnn+wo'n+ngkino'manji Anitu jije simehomo yakolo'nnyo hweho. Kako yo'mayo hopi'nonohino so'no huno hwapingo'njo hweho. Oso wonyo hiso kako wae nto kiloho'maho Anitu huno uyohoho. ²¹ Ou, nje a'amu soku, nakwoe simeho mo'mo oso hungkuno monajo'manji nakwo Anituye simanopo won+mango ane yokumpohn'nyo wolohofano. ²² Nakwo kakoe hungkunomo tifi in+ngkawowo'n+ngkuhwone'manji yo'mayo iwo'n+ngkuhwone so'no Mpohwoe simeho wop+ngo umo'n+ngkiso'manji yo'mayo so'no Mpohumo jomo ulasoso wonejapmmontonoho. ²³ Anituye hungkunoso olenoho. Nakwo kakoe Hwomu Jisas Kilaisiye yofe somo simeho hi'ntnnono uy+hwasi nom'ne a'amumo simeho uy+hwano. Oso hiso kako nalinyofoho. ²⁴ A'amu Jisasiye hungkunomo tifi in+ngkawowo'n+ngkiso somo Anitu kakimo ufo'malofoho. Anitu

kako hwe huhwo sohomo humaho. Anitu kakoe Towahuno Wopɨngoso nejopahonɨngki Towahuno sohwo ole netɨhwalofoho. Anitu nakumo humaho.

4

Anituye Towahuno ne'nji towahuno hwasyo so'ntnne hungkunofoho.

¹ Nje a'amu soku, a'amu pi'nɨngo hwasyo hungkuno'njoso nakwoe hwahopo emoyalokwofo. Oso'no hungkuno hopi'nonohino upa'nɨfijo oso hungkuno somo simeho hi'ntnnono ukutoho. O'o, a'amu ole selososo, Ngko Anituye Towahuno hi'njo hwo'nyoho. Ose selahonɨngkuhwosi sekwo yamofɨ fiyɨmno. Oso hwe huhwo sohwo Anituye hwolɨkeno. Hwahoponta'ango hwolɨkeno. ² Huno ito'no tɨpemapitnne'no yamofɨ fiyɨmno. A'amu fihwo hungkuno ole loso'manji, Jisas Anituye Hwomu Ne sohwo a'amu imo'nɨmentisofoho. Ose loso sohwo kako Anituye Towahuno ne hi'njo hweho. ³ Oso hungkuno hiso a'amu majo'manji kako Anituye Towahuno ane hweho. O'o, kako towahuno Jisasiye mango sohwa mta'ango hi'njo hweho. Sekwo ole nto upa'nɨmentohofi, Jisasiye mango sohwo noponefoho. Ou, kakoe towahuno sohwo nto pmmaho.

⁴ Nje mehomi soku, sekwo Anituye kuyoho. Sekwo a'amu hwasyo hungkuno'njo somo hwotoho nto hmmalofo. Hwapɨngoso oso Towahuno jije simeho mo'mo humaso sohwo kako towahuno hwahoponjo somo nɨhu'nahone uyakolo'mentisofoho. ⁵ Oso

a'amu hwasyo hungkuno'njoso hwe wonyo sohwoe a'amufoho. Hofi'koe hungkunoso hwahoponta'angofoho. Seten'ye a'amuso hofi'ko hwasyo hungkuno hwahoponta'ango somo upa'n'iwo'n'ingkohofoho. ⁶ I oso'no nakwo Anituye'nwoho. A'amu fihwo kako Anitu ne sohune'no huno unyohwo'manji osohwo kako nakwoe hungkuno upa'n'imtonoho. Ou, nom'ne a'amuhwo kako Anitune'no huno muyohwo'manji i nakwoe hungkunomo mupa'nonehoho. Olo hilo so'no hungkuno Anitu mta'ango so'no nakwo huno wonayono. Nakwoe hungkunomo nen'ingkapifijohwa'manji Anituye Towahuno ne'njofoho. Ou, nakwoe hungkunomo monen'ingkapifijoso hwe wonyo sohwoe towahuno hi'njo hwafoho.

Anitu kako nakune'no hitoho ulofalofoho.

⁷ Nje a'amu soku, nakwo nom'ne a'amumne'no simeho umo'nyo yahinoso uyano. Nom'ne a'amumne'no simeho umo'nyo yahinoso Anitu mta'angofoho. A'amu nom'ne somne'no umo'n'iwo'n'ingkiso sohwo kako Anituye mehomifoho. Kako Anitune'no huno uyalofoho. ⁸ A'amu nom'ne somo simeho muyoso Anitune'no huno muyihwafoho. O'o, Anitu simeho uyoso kako hwapingo hweho. ⁹ Anitu nakune'no hitoho m'ikun'imposo nejapmentisofoho. Oso'no kako nakwo'nji songo ne'no humayo'ne imo'mentisofoho. Oso hiso'no kakoe hwomu anga'nohino sohomo oso songo humayoso uyo'ne'ento nakune'no hwahopo uhwatimentisofoho.

Oso'no Anitu nakune'no simeho nejaponto netihwamentisofoho. ¹⁰ Simeho inyo neso ole, nakwo Anitumo simeho uyo pa'nyo'maho. Oso, neso ole, Anitu nakumo simeho nejaponto kakoe Hwomu nakwoe wonyomne'no tohino mikunimposo mayo'ne nejapmmentisofoho. ¹¹ Nje a'amu soku, nom'ne a'amumne'no namo'nyo so'no Anitu umo'nalofoho. Oso'no nakwo nom'ne a'amune'no wonamo'nono. ¹² Nakwo hopi'nonohino so'nwi Anitumo muhwonyo'nwoho. I nakwo a'amu nom'ne uhwon+wo'n+ngkuhwone somo simeho ne'njo uy+wo'n+ngkuhwaso'manji Mpohwo nakwo'nji nohumahwosi kako nakumo simeho nejape so'no huno wonay+montonoho.

¹³ Kakoe Towahuno nejapmmentiso so'no nakwo huno ole nayohoho, Anitu nakwo'nji humaho. Nakwo kako'nji humalohwono. ¹⁴ Mpohwo Anitu a'amu hwahoponjo so'nyumne'no asomo nemayo'ne kakoe Hwomu uhwat+mentisofoho. Oso hiso uhwon+mentihwone so'no selalokuhwono. ¹⁵ A'amu fihwo Jisasi'mo simeho hi'ntnnono nehopi uy+hwosi a'amu somo ole uloso, Jisas Anituye Hwomu hweho. Ose loso sohwo Anitu kakimo humaho. Kako Anitumo humaho. ¹⁶ Nakwo huno wonayono Anitu nakune'no hitoho nejapmmentiso so'no nakwo simeho uyalokuhwono. A'amumne'no umo'nyo yahinoso Anitu mta'angofoho. A'amu fihwo nom'ne a'amumne'no umo'n+wo'n+ngkiso sohwo kako Anitu'nji humaho. Oso'no Anitu huhwo kako'nji humaho.

17 Jisas nakumo nonehumentaningki nakwo nom'ne a'amumne'no namo'nyo yahino wopingo yalokuhwoneso olehoho. Sikuno Engo hungkuno tango'njo ikwalofone somo nakwo yokumpohn'nyo nolohofihwasi won+mango monanonefoho. Hwapingoso nakwoe songo humayoso olo hwaho lopo Jisas sohwo nakwoe simeho mo'mo humaho. 18 A'amu fihwo nom'ne a'amumne'no umo'n+wo'n+ingkiso sohwo iyoho miy+wo'n+ingki yohoho. O'o, iyoho iyoso n+hu'no awonoho. Iyoho iyo hwapingoso olenoho. A'amu fihwo iyoho yososo nakwo huno wonayono nom'ne a'amumne'no umo'nyo yahinoso ito'nohino'maho. 19 Nakwo nom'ne a'amumne'no namo'n+wo'n+ingkohoho. Hwapingoso An+tu kako nakune'no simo'mo umo'n+mentisofoho. 20 A'amu nom'nehwo ole lososo, Ngko Mpohune'no simeho uyalokweno. Ose loso sohwo a'amu nom'ne sohomo simeho wonyo uyoso osohwo kako hwasyo hungkuno lalofoho. A'amu fihwo kako olo hwaho loponjo a'amu uhwon+wo'n+ingkiso somo simeho muyo'manji kako Mpohwo An+tumo muhwonyo sohomo simeho pipi uy+montolo. 21 Jisas Kilais ole nal+mento, Kiko An+tumne'no simeho uyo'manji jije a'amu homne'no simeho uyo. Ose nal+mentisofoho.

5

A'amu Jisasimo tifi in+ingkawowo'n+ingkohofoso yo'mayo hwahoponjo yahino somo hwotoho fewo'n+ingkohofofoho.

¹ Hwe nakwoe wonyo wayo'ne Anitu uhwosopo'mentiso sohwo Jisasiyoho. Oso hungkuno hiso a'amu fihwo huno nehopi uyoso sohwo Anituye mehomi hweho. A'amu Mpohumo simeho uy+wo'n'ingkiso sohwo kakoe mehomi'ntnne'no simeho uy+wo'n'ingkiso hweho. ² Nakwo Anitumo simeho uy+hwasi kakoe hungkunomo tifi in'ingkowaso'manji nakwo huno ole wonayono. Nakwo Anituye mehomi somo simeho nehopi uy+wo'n'ingkuhwone'nwoho. ³ Nakwo Anituye hon'ingkanomo tifi in'ingkowaso'manji nakwo Mpohumo simeho nehopi uy+wo'n'ingkuhwonefoho. Anituye hon'ingkanomo somo tifi in'ing kayoso tango'njo'maho. O'o, kakoe yokumpohn'nyo nejapi+wo'n'ingkiso hweho. ⁴ Anituye a'amu neso yo'mayo hwahoponjofe yokumpohn'nyo somo hwotoho fe-e'ne yokumpohn'nyoso hi'njofoho. Oso yokumpohn'nyo hwotoho fe-neso hwapingo ole, Nakwo Jisasi'mne'no huno nayohoho. Kakoe yokumpohn'nyo nefo'mayo'ne sohune'no huno nayohoho. ⁵ Yo'mayo hwahoponjo somo yakolo'nnyo tihwolo. A'amu fihwo kako huno ole ujososo, Jisasi Anituye Hwomu hweho. Huno ose uyahon'ingki kako yo'mayo hwahoponjo somo yakolonoho.

Anitu kakoe hwomumne'no hungkuno yoloho limentisofoho.

⁶ Olo Jisasi huhwo sohwo mijo wokiyon+mano lonto, nje hon+yo usihuma'mo lonto nakwoe

hwahopo pmmentisofoho. Mijo'nohini so'no pmmentiso'maho. O'o, mijo'nji hon+yo'ntnno pmmentisofoho. Anituye Towahuno Wopingo hungkuno nehopi hwapingo sohwo kako Jisasimne'no olo hilo so'no yoloho limentisofoho.

⁷ Oso hufa'u sihune sohwa Jisasimne'no yoloho lalokwofo. ⁸ Anituye Towahuno Wopingo'nji mijo'nji hon+yo'nji oso hifoho lalokwofo. Oso hufa'u sihune sohwa hofikoe hungkuno afa'nohinoho. Jisas sohwo Anituye Hwomu ne hweho. Ose lalokwofo. ⁹ A'amu hwahoponjoso hungkuno lontifeso nupo'nontani nehopeho liwo'n'ingkuhwonefoho. Anitu lonte hungkunoso nehopeho. A'amu lontife somo yakolonoho. Oso hungkuno hiso Anitu nto limentisofoho. Kakoe Hwomumne'no linyofoho.

¹⁰ A'amu Jisasimo simeho hi'ntnnono uyo sohwo kako huno ole uyohoho, Jisas Anituye Hwomu ne hweho. A'amu nom'neso kako hungkuno hiloso simeho hi'ntnnono muyo'njo yonto kako Anitu hwasyo hungkuno'njo hweho liwo'n'ingkiso pa'nyo hweho. Hwapingoso Anitu nalohoho, Jisas nje Hwomu hweho. ¹¹ Olo hungkuno loso Anitu nehopi ole nalimento, Ngko songo ne'no humayo'neso nto sejapmmmentohefoho. Ose nalimentisofoho. Oso songo ne'no humayo'ne hwapingo kakoe Hwomumo weho. ¹² A'amu fihwo Anituye Hwomumo humunyo sohwo Anitu'nji songo ne'no humayo'ne hweho. A'amu Anituye Hwomumo mohumunyo sohwo kako Anitu'nji songo ne'no humayo'neso motipihwononefoho.

Nakwo huno ole wonayono, Nakwo songo ne'no fosyohumayo'ne hi'nji'nwoho.

13 Sekwo a'amu Jisasimo simeho hi'ntnnono uy'wo'n'ngkohoho soku, sekwo songo ne'no humayoso hi'njo kuyoho. Oso'no sekwo huno waseyonontnne'no semti'mokiyalokweno.

14 Nakwo yo'mayo Anitu syonefi'syalokunjo so'no namo'n'ngkohoho lontani oso'no jomo ul'hwaso'no kako wonepa'n'montonoho.

15 Nakwoe hungkuno Anitu nepo'nalokunjo so'no huno ole nayohoho. Yo'mayo nakwo jomo ul'wo'n'ngkuhwone so'no nejopalokunjoso olohifofo.

16 Hon'ngkano anga'no wonyoso a'amu yososo Anitu kako wae mmofe'njo umtonoho. O'o, hi'nji pe'n'ngkuhwosi tikanomo wene hweho. Oso'no a'amu oso wonyo hiso yoso sohumo uhwon'ngkohojo oso a'amu huhwo sohumne'no Mpohumo jomo mujo'njo fiyo. Yo'mayo hon'ngkano wonyo nom'neso a'amu yoso sohumo uhwon'ngkohojo oso humne'no Mpohumo jomo ulisoso Mpohwo kako wae y'imofihwosi songo humayo'ne uy'imtonoho.

17 Anituye hungkuno mtohpeso hopi'nono wonyofoho. I oso'no fehohnjo so'no Mpohwo kako wae weeo'mtonoho. Anga'nohinoso tikanomo ni'hu'nahone wenefoho.

18 Anituye mehomi ne sohwo kako hon'ngkano wonyo miyo'njo y'wo'n'ngkiso hweho. O'o, Anituye hwomu osohumo yokumpohn'nyo mokosyohumawo'n'ngkiso hweho. Oso a'amu huhwo sohumo Seten mupm'mokonohoho.

¹⁹ Nakwo huno moi'wonoho. Nakwo Anıtuye mehomi'nwoho. A'amu nom'ne sofe hwe engo mokosyohumayo sohwo Seteniyoho.

²⁰ Nakwo huno moi'wonoho. Anıtuye hwomu nto pmmmentono. Kakine'no huno ito'no uyo'ne huno nto nejapmmmentono. Nakwo Anıtumo ufohi'nyo'ne hwapıngoso Jisasıyoho. Jisas Kılais Anıtuye hwomu sohwo kako Anıtu ne hweho. Kako songo ne'no humayoso hwapıngo hweho.

²¹ Nje mehomi soku, yo'mayo hwahoponjo jıje sımeho mo'mo Anıtumo uyohopo'mto yalokunjo so'no sekwo i'waho ito'no fiyımno. Osohopeho. Ngko Joun'ni mtı'mokohono.

**Mpohwoe Hungkuno Songofoho
The New Testament and Genesis in the Safeyoka
(Ampeeli-Wojokeso) language of Papua New Guinea
Buk Stat na Nupela Testamen long tokples Safeyoka
long Niugini**

copyright © 1988 Wycliffe Bible Translators, Inc.

Language: Ampeeli-Wojokeso (Safeyoka)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2011-12-15

PDF generated using Haiola and XeLaTeX on 3 Mar 2023 from source files dated 9 Oct 2020

f526da1e-a607-571c-ba86-56367d7583f3